

古詩紀

卷第一

詩紀二十一

北海馮惟訥彙編

母乎方天

曹操

字孟德沛國譙人漢舉孝廉為郎歷位丞相封魏王後其子丕代漢

廟號太祖○詩品曰曹公古直有悲涼之句睿不如丕亦稱三祖

樂府

度關山

天地人為貴立君牧民為之軌則車轍馬跡經

緯四極黜陟幽明黎庶繁息於鑠賢聖恩克邦域

封建五爵井田刑獄有燔丹書無普赦贖臯陶甫

侯

宋書作刑

何有失職嗟哉後世改制易律勞民爲君

役賦其力舜漆食器畔者十國不及唐堯采椽不

斲世歎伯夷欲以厲俗侈惡之大儉爲其德許由

推讓豈有訟曲兼愛尚同疏者爲戚

一曲魏樂所奏

短歌行二首

對酒當歌人生幾何譬如朝露日苦多慨當以

慷憂思難忘何以解憂唯有杜康青青子衿悠悠

我心但爲君故沈吟至今呦呦鹿鳴食野之苹我

有嘉賓鼓瑟吹笙明明如月何時可撥憂從中來
不可斷絕越陌度阡枉用相存契闊談讌心念舊
恩月明星稀烏鵲南飛繞樹三匝何枝可依山不
厭高海不厭深周公吐哺天下歸心魏晉樂所奏
分爲六解與

此並同但無越陌以下八句

周西伯昌懷此聖德三分天下而有其二修奉貢
獻臣節不墜崇侯讒之是以拘繫解一後見赦原賜
之斧鉞得使征伐爲仲尼所稱逮及德行猶奉事
殷論敘其美解二齊桓之功爲霸之首九合諸侯一

匡天下一匡天下不以兵車正而不譎其德傳稱

二孔子所歎竝稱夷吾民受其恩賜與廟胙命無

下拜小白不敢爾天威在顏咫尺四解晉文亦霸弱

奉天王受賜珪瓚鉅鬯彤弓盧弓矢千虎賁三百

人五威服諸侯師之者尊八方聞之六解亞齊桓河

陽之會詐稱周王是以其名紛葩六解○右二

善哉行

古公亶父積德垂仁思弘一道哲王於幽一太伯

仲雍王德之仁行施百世斷髮文身二伯夷叔齊

古之遺賢讓國不用餓殍首山

解智哉山南獨彼

宣王何用杜伯累我聖賢

解齊桓之霸賴得仲父

後任賢刁蟲流出戶

解丘

晏子平仲積德兼仁與世

沈德未必思命

解六

仲尼之世王國爲君隨制飲酒

揚波使官

解七

步出東西門行

一曰碣石篇樂志曰碣石魏武帝辭晉以爲

碣石舞其歌四章一曰觀滄海二曰冬十月

三曰土不同四曰龜雖壽

與此竝同但曲前無豔爾

雲行雨步超越九江之臯臨觀異同心意懷遊

豫不知當復何從經過至我碣石心惆悵我東

海

雲行至
此爲豔

東臨碣石以觀滄海水河澹澹山島竦峙樹木鬱

生百草豐茂秋風蕭瑟洪波

一作濤

湧起日月之行

若出其中星漢燦爛若出其裏幸甚至哉歌以詠

志

解一

右觀滄海

孟冬十月北風徘徊天氣肅清繁霜霏霏鷗雞晨

鳴鴻鴈南飛鷺鳥潛藏熊羆窟栖錢鏹停置農收

積塲逆旅整設以通商賈幸甚至哉歌以詠志

解

右冬十月

鄉土不同河朔隆寒流澌浮漂舟船行難雖不入
地豐籟深奧水竭不流冰堅可蹈士隱者貧勇俠
輕非心常歎怨戚戚多悲幸甚至哉歌以詠志

解三

右土不同

一作河朔寒

神龜雖壽猶有竟時騰蛇乘霧終爲土灰老驥伏
櫪志在千里烈士暮年壯心不已盈縮之期不但
在天養怡

一作恬

之福可得永年幸甚至哉歌以詠

志

右一曲魏晉樂所奏

右龜雖壽

薤露

惟漢二十世所任誠不良沐猴而冠帶知小而謀
彊猶豫不敢斷因狩執君王白虹爲貫日已亦先
受殃賊臣執國柄殺主滅宇京蕩覆帝基業宗廟
以燔喪播越西遷移號泣而且行瞻彼洛城郭微
子爲哀傷

蒿里行

關東有義士與兵討羣凶初期會盟津乃心在咸陽軍合力不齊躊躇而鴈行勢利使人爭嗣還自相戕淮南第稱號刻璽於北方鎧甲生蟣蟲萬姓以死亡白骨露於野千里無雞鳴生民百遺一念之斷人腸

右二曲魏樂所奏

苦寒行

藝文樂府並作魏文帝

北上太行山艱哉何巍巍羊腸坂詰屈車輪爲之摧樹木何蕭瑟北風聲正悲熊羆對我蹲虎豹夾路啼谿谷少人民雪落何霏霏延頸長歎息遠行

多所懷我心何怫鬱思欲一東歸水深橋梁絕中

路一作道正徘徊迷惑失故路薄暮無宿棲行行即

已遠人馬同時饑擔囊行取薪斧冰持作糜悲彼

東山詩悠悠使我哀晉樂所奏分六解每解疊首二句

善哉行

自惜身薄祜夙賤罹孤苦既無三徙教不聞過庭

語解其窮如抽裂自以思所怙雖懷一介志是時

其能與解守窮者貧賤惋歎淚如雨泣涕於悲夫

乞活要能覩解我願於天窮琅邪傾側左雖欲竭

忠誠欣公歸其楚

四解

快人由爲歎抱情不得敘願

行天教人誰知莫不緒

五解

我願何時隨此歎亦難

處今我將何照於光曜釋街不如雨

六解○右二曲魏晉樂所

奏

却東西門行

鴻鴈出塞北乃在無人鄉舉翅萬里餘行止自成
行冬節食南稻春日復北翔田中有轉蓬隨風遠
飄揚長與故根絕萬歲不相當奈何此征夫安得
去四方戎馬不解鞍鎧甲不離傍冉冉老將至何

時反故鄉神龍藏深泉
猛獸步高岡狐死歸首丘
故鄉安可忘

右一曲魏
晉樂所奏

氣出唱三首

駕六龍乘風而行行四海外路下之八邦歷登高
山臨谿谷乘雲而行行四海外東到泰山仙人玉
女下來遨遊驂駕六龍飲玉漿河水盡不東流解
愁腹飲玉漿奉持行東到蓬萊山上至天之門玉
關下引見得入赤松相對四面顧望視正惶惶

一作

焜煌

開王心正興其氣百道至傳告無窮閉其口但

當愛氣壽萬年東到海與天連神仙之道出窈入
冥常當專之心恬澹無所惕欲閉門坐自守天與
期氣願得神之人乘駕雲車驂駕白鹿上到天之
門來賜神之藥跪受之敬神齊當如此道自來
華陰山曰以爲大高百丈浮雲爲之蓋仙人欲來
出隨風列之雨吹我洞簫鼓瑟琴何閭閻酒與歌
戲今日相樂誠爲樂玉女起起舞移數時鼓吹一
何嘈嘈從西北來時仙道多駕煙乘雲駕龍鬱何
務務遨遊八極乃到崑崙之山西王母側神仙金

止玉亭來者爲誰赤松王喬乃德旋之門樂共飲
食到黃昏多駕合坐萬歲長宜子孫

遊君山甚爲真確磈砢爾自爲神乃到王母臺
金階玉爲堂芝草生殿傍東西廂客滿堂主人當
行觴坐者長壽遽何央長樂甫始宜孫子常願主
人增年與相守

右三曲魏
晉樂所奏

精列

厥初生造化之陶物莫不有終期莫不有終期聖
賢不能免何爲懷此意願螭龍之駕思想崑崙居

思想崑崙居見欺

迂怪志意在蓬萊志意在蓬

萊周孔聖相落會稽以墳丘會稽以墳丘陶陶誰
能度君子以弗憂年之暮奈何時過時來微

對酒

對酒歌太平時吏不呼門王者賢且明宰相股肱
皆忠良咸禮讓民無所爭訟三年耕有九年儲倉
穀滿盈班白不負戴雨澤如此百穀用成却走馬
以糞其土田爵公侯伯子男咸愛其民以黜陟幽
明子養有若父與兄犯禮法輕重隨其刑路無拾

遺之私囹圄空虛冬節不斷人耄耄皆得以壽終

恩澤

宋書作德

廣及草木昆蟲

陌上桑

駕虹蜺乘赤雲登彼九疑歷玉門濟天漢至崑崙

見西王母謁東君交赤松及羨門受要秘道愛精

神食芝英飲醴泉拄杖桂枝佩秋蘭絕人事遊渾

元若疾風遊欬飄翩一作景未移行數千壽如南

山不忘愆

右一曲晉樂所奏

秋胡行二首